

近代中國史料叢刊第十五輯
沈雲龍主編

左文襄公（宗棠）年譜

羅正鈞編

文海出版社印行

五

會

會

六

六

譜

十

歲

光緒丁酉冬月
湘陰左氏校棊

11/27/02

左文襄公年譜卷一

湘潭羅正鈞纂

公姓左氏諱宗棠字季高一字樸存早歲自號湘上農人

子公

孝同先考事略云府君自迯家柳莊日巡行隴畝自號湘上農人按公家書甲子以前紙尾往往自署湘上農人

世自南宋時已為湘陰人世居縣東鄉左家墩代有聞人

景喬

先生慎齋文鈔族譜序云吾族自湯盤公登宋嘉定進士歷官兩浙路采訪使浙民愛之為立去思碑明心南公萬歷間官行唐縣知縣知深州事旋擢遼東監軍道參經略熊廷弼軍事廷弼甚倚重焉公從祖弟任菴公值張賊犯長沙逼以偽官抗節不屈遇害忠孝照耀湖湘間國家承平二百年吾族支派繁衍其間忠孝節義散見於郡邑之志載及家乘之所傳聞鄉人士類能言之按湘陰縣圖志氏族表湯盤公諱大銘心南公諱天眷據表心南公為公九世祖曾祖諱逢聖字孔時一字仁鄉縣學生員以孝義著聞妣蔣氏

湘陰縣志本傳云左逢聖字孔時邑庠生性恭慈大父染疾數年雖異居與其父庠生定師朝夕侍奉嘗親持穢服臨江澗濯涕泗交流見者歎其誠孝居貧好施嘗於高華嶺設茶數年以濟行人乾隆十七年歲歉典衣服與富人之樂善者施粥於袁家鋪生平舉止端嚴所讀經史皆手錄著有存塾文稿數卷 祖諱人錦字斐中一字

松楚國子監生為族倉備荒歲歉一族無飢人妣楊氏湘陰縣圖

志本傳云左人錦字斐中一字松楚父逢聖諸生以孝義聞人錦承家教多所修建嘗仿社倉法倡捐穀為族倉以備凶荒歲歉而左氏無饑人著有族倉條約善化賀氏熙齡寒香館文鈔左斐中像贊云季高述其尊祖斐中先生律躬之嚴閑家之肅敦睦家族推濟鄰里之義父諱觀瀾字晏臣一余於是而又知其世德相濟積累深厚

字春航縣學廩生貧居教授二十餘年妣余氏文集卷一錢南園先生文

存序云先世耕讀為業以弟子員增郡縣學籍者凡七輩家書子成與孝威書云吾家積代寒素先世苦況百紙不能詳爾母歸我時我已舉於鄉境遇較前稍異然吾與爾母言及先世艱窘之狀未嘗不泣下霑襟也吾二十九初度時在

小澆館中曾作詩八首中一首述及吾父母貧苦之狀有四句云研田終歲營兒哺糠屑經時當夕飡乾坤憂痛何時畢忍屬兒孫敲菜根至今每一諷詠及之猶悲愴不能自己按詩集研田句自注云父授徒長沙先後廿餘年非修脯無從得食糠屑句自注云嘉慶十二年吾鄉大旱母屑糠爲餅食之僅乃得活後長姊爲余言也傷哉三代皆以公貴

累贈光祿大夫二等恪靖侯妣皆

累贈一品侯夫人公兄弟三人長兄宗棫字伯敏一字瑟卿縣學

廩生蚤卒仲兄宗植字仲基一字景喬道光乙酉拔貢生壬

辰本省鄉試第一名舉人官桂東教諭改內閣中書爲詩古

文有盛名尤精於天文著有慎齋詩文鈔四卷

湘陰縣志本傳云左宗

植字仲基一字景喬父觀淵以善書名宗植道光五年拔貢十二年解元選授桂東教諭改內閣中書宗植幼時與兄宗

械弟宗棠竝有時名宗械廩生蚤卒而宗植宗棠名益顯宗
植以詩古文自豪有湖南四傑之稱謂邵陽魏源郴州陳起
詩益陽湯鵬竝宗植也尤精於天文攷訂開元占經行世宗
植任內閣中書祔文端公寓藻掌軍機深信其言大學士賽
尙阿視師廣西宗植獨以為非宜而言曾國藩足當大任江
忠源樸幹任軍旅其後皆以功名顯由宗植發其端也所著
樸學齋存稿宗棠為分刻之曰慎齋文鈔二卷慎齋詩鈔二
卷 文集卷一慎齋詩文鈔序云兄詩尙樸忌巧務苦吟為
古文辭先根柢後枝葉漸進於作述之林眠時流少當意者
晚研天文家言於中西法各有所取其推步占驗有應有不
應兄不輕為人言或有 公其季也
言余亦未能遽省也

嘉慶十七年壬申公一歲

十月初七日寅時公生於湘陰東鄉左家墩

公子孝同先考事略云時曾祖

考松楚公妣楊太夫人年近八旬均健在世父瑟鄉公年十
三歲仲父景喬公年九歲姑母三人長年十六歲餘均數歲
先祖年三十五祖妣年三十八始生府君將生之夕祖妣夢
有神人自空中止於庭謂牽牛星下降驚寤而府君生室中

忽有光如晝書燈燭皆掩遂時天始曙 按家書甲子與孝
威書云吾家本_之_之爾父生而吮米汁日夜號聲不絕臍爲
突出至今腹大而臍不深吾母嘗言育我之艱
嚼米爲汁之苦至今每一念及猶如聞其聲也 是年春航先
生讀書嶽麓書院 文集卷五祭胡文忠公文云我生於湘公
書麓山兩家生子舉酒相歡 按胡文忠公年譜生於是年
六月公生以十月故云夏日冬時又攷公書牘卷十五與江
小岷都尉書云尊翁與吾同歲生吾遲
四月蓋新甯江忠烈公亦以是年生也

嘉慶十八年癸酉公二歲

嘉慶十九年甲戌公三歲

是年五月二十四日楊太夫人卒壽八十歲

嘉慶二十年乙亥公四歲

公幼有異表

景喬先生慎齋詩鈔癸亥大寒日余東安表弟
訪予高坡感舊書懷長歌奉贈兼寄舍弟季高

詩有云青瑣長物付諸兒燕頤封
侯望予季自注先太夫人語意也
詩集題羅權如讀書秋樹根圖詩云夢到梧塘屋兩間自注
梧塘爲先祖課諸孫處按明年迢家會城據詩所云則梧
塘課讀必是年事也特愛異之常曰是子足昌吾門
公步上宅後山掇小栗盈菊命歸貽兄姊公持歸均給不自
取食松桱公喜曰此子幼時分物能均又知讓而忘其私異
日必能昌大吾門

嘉慶二十一年丙子公五歲

春航先生是歲挈家遷居會城貢院東左氏祠開館授徒公

從二兄入學

慎齋文鈔湘陰左氏試館記云先是左氏宗祠在長沙府城貢院之東街嘉慶間大父松桱公

逮先府君實册建焉府君旋僦居之余兄弟讀書其中文集卷一慎齋詩文鈔序云余兄弟三人侍先公讀書比長不名他師又文集卷三候選訓導左君墓志銘云君與余同歲生少受業於先公之門與余同研席余以先公幼子特愛

日誦所授書畢卽跳踉嬉戲穎悟過人公子孝同先考事略
君則端坐默識目不左右顧云府君始受學每聽
先祖講授生徒及世父仲父誦讀之書輒默識不忘偶屬對
穎悟異人一日先祖課世父仲父讀井上有李文至昔之勇
士亡於二桃今之廉士生於二李句因問二桃典何所出府
君在側應聲曰古詩梁父吟有之亦平日所聞於二兄誦讀
者也 是歲仲兄景喬先生入縣學年十三歲 長姊壽清適
同郡朱氏慎齋文鈔朱氏先姊墓志銘云顯考春航府君女
朱君子子三人其一名壽清宗植姊也年二十歸同郡
震陽

嘉慶二十二年丁丑公六歲

是年讀論語孟子

按正誼堂全書卷首公與楊雪滄書云紫

孟時卽兼

讀大注 九月二十六日松堃先生卒壽八十歲

嘉慶二十三年戊寅公七歲

嘉慶二十四年己卯公八歲

是年伯兄伯敏先生入縣學景喬先生科試高等補廩膳生

春航先生教子嚴為文必依傳注詮經旨數年之間從游

者日眾

善化賀氏熙齡寒香館文鈔左斐中像贊云左子季高從余游詢其學之所自則一稟於尊甫先生之教

其教於家者必本於身肅然翼然尊卑上下罔敢稍越余於是而知季高學業之成就其父教然也文集卷三長沙徐

君墓表云先文學教人為文必依傳注詮經旨不尚藻繪公子孝同先考事略云先祖教人循循善誘於課子尤嚴數

年之間入學食餼一時從游者甚眾

嘉慶二十五年庚辰公九歲

初學為制藝

正誼堂全書卷首公與楊雪滄書云九歲學作制藝先子每命題必令先體會大注一字不許

放過間讀史輒慕古人大節

書牘卷八乙丑答吳桐雲書云僕自童兒時即知慕古人大節稍長

工為壯語視天下
事若無不可為

道光元年辛巳公十歲

是年城中謠言紙人剪辮髮經旬月迺定

書牘卷十七丙子答楊石泉中丞書

云浙中紙人剪辮之說來自吳中道光初元長沙城中亦有此謠并有雞生四翼五爪之說弟時甫十齡每聞人語藉藉心輒疑之睡醒輒摩其頂知吾髮無恙迺復安睡曉行市塵見家雞狼籍殆徧行人相戒勿近詢知雞啄人即斃也擾攘旬月始獲安息

道光二年壬午公十一歲

是年族人議遷祠於湘陰

書牘卷八丙寅與李仲雲書云頁院東街舊祠為弟少時嬉游之所

至今猶時時入夢 公子孝同先考事略云府君嘗言兒時從先祖讀書族祠會族人有遙祠入鄉之議購大木立植木有大孔日閣課畢戲其旁夜夢如戲以身入孔中則別有天地山水清幽深林茂樹蔚然勝境循山而上松竹交映石徑

舉確躋其巔有古寺為呂子鍊真之所鑪香然半炬旋取香
 循舊徑歸遂驚而寤後四十餘年平定兩浙甲子重九日為
 楊石泉宮保壽辰借游天竺靈隱登眺間恍然如當日夢中
 所歷按慎齋文鈔左氏試館記云府君沒祠遷於鄉族眾
 以其地鬻諸佗氏季高出襄戎事念疇昔家庭風興夜寐吾
 兄弟艱苦誦讀歌哭之地祿入漸厚求故屋鬻諸佗氏者倍
 稱買之為讀書應試者館焉據此則祠遷於鄉在
 春航先生既歿以後是歲僅購木有遷建之議也

道光三年癸未公十二歲

始畱意書法

文集卷二法華寺碑跋云北海法華寺碑世稱

借得一本示余蓋賀耦耕尚書所藏者愛玩不置未久勞復
 索還光緒三年余持節酒泉督諸軍平西域王霞軒觀察贈
 我是本屬從事李佐興鉤泐諸木以廣流傳湖自荆見至今
 蓋五十又四年矣頭白臨邊追維曩昔髣髴長沙夜讀時也
 按光緒三年為丁丑上溯五十四年正道光三年癸未又
 文集卷一錢南園先生文存序云余童時見先生所書聯幅
 及行校官批牘與演人仕於湖者函札字皆平原遺法間亦
 畫馬風鬃霧鬣筋骨顯露筆力髣髴古篆不敢逆視按言童

時則錢通副書畫亦必伯敏先生歲試補廩膳生是歲二月
此數年間之所見也
卒年二十五歲文集卷一慎齋詩文鈔序云長伯敏早卒先
公傷之故課仲季書不如伯之嚴詩古文令
略識塗轍而已不責其專且工也

道光四年甲申公十三歲

道光五年乙酉公十四歲

公屬文每一甄成喜自負儕輩皆已憚之

文集卷三長沙徐君墓表云君道光

初借弟蓉受書先文學之門有所繩削君屏息聽受唯謹余
時年十四五好弄敢大言每成一甄輒先自詫以視君君微
笑而已
是年景喬先生充湘陰縣拔貢生慎齋詩鈔題觀亭
從游圖詩注云先

是壽陽公於道光乙酉督學湖南拔取長沙諸生試凌雲閣
賦宗植及陳君堯農勞君辛階諸人同入等按壽陽公壽
陽祁文端公寓藻也試凌雲閣賦當是
上年科試事言乙酉者舉科分言也

道光六年丙戌公十五歲

始應童試

公子孝同先考事略云年十五應童子試

是年景喬先生入都朝

考列二等尋選新化訓導

道光七年丁亥公十六歲

五月應府試知府黃安張公錫謙奇其文試終以擬冠軍旋

以某生年老抑置公第二未幾余太夫人病未與院試歸公

孝同先考事略云長沙知府張公錫謙字益舟黃安人得府君卷亟賞之屢拔置前欲以第一錄送旋見某生年老抑置府君第二進見加獎勉焉既而學政按臨以母病未與試

五十三歲

道光八年戊子公十七歲

居憂益勉於學公子孝同先考事略云府君自居憂益致力於學按家書與兄子激書云人生讀書得力祇有數年十六以前知識未開二十五六以後人事漸雜此數年中放過則無成矣勉之證以事略所述正公自言所得力之候也

道光九年己丑公十八歲

是年購顧氏炎武郡國利病書顧氏祖禹方輿紀要諸書昕夕稽究有所證發輒手自條記見者笑以爲無用公爲之益

勤公子孝同先考事略云府君嘗言吾十八九歲時於書肆購得顧氏方輿紀要一書潛心玩索喜其所載山川險要戰守機宜瞭如指掌兼得亭林郡國利病書及齊氏水道提綱諸書於可見之施行者另編存錄之於時承平日久士人但知有舉業見吾好此等書莫不竊笑以爲無所用之按公家所藏皇朝經世文編公丹黃始徧於所選顧氏方輿紀要諸論後評云顧氏之書攷據頗多疏略議論亦間欠酌然熟於古今成敗之迹彼此之勢魏氏源謂其多言取而罕

言守言攻而不言防迺槍攘策士之談此論甚謬大凡山川形勢隨時勢爲轉遂至於取守攻防則易地可通也經世文編成於道光六年蓋亦此時之所攷論矣

道光十年庚寅公十九歲

正月十八日春航先生卒壽五十三歲 四月卜葬於長沙

城北十五里史家坡余太夫人前厝湘陰左家墩祖塋之旁

至是奉柩合葬焉 是年善化賀公長齡亦丁母憂歸一見

公推爲國士 書牘卷二十二已卯與譚文卿中丞書云耦耕先生實嘉道兩朝名臣學術之純正心地之光

明一時僅見弟於其居憂長沙久親教益於先生政學頗有所窺謬蒙以國士見待 按賀公家傳丁母嚴太夫人憂爲

是年悉發所藏官私圖史借公恣覽每閱一書竟必還叩所

得互相攷訂 奏稿卷五十七請將前雲貴總督宣付史館立傳摺云臣弱冠時頗好讀書苦貧乏無買書資

賀長齡居憂長沙發所藏官私圖書借臣披覽每向取書冊賀長齡必親自梯樓取書數數登降不以爲煩還書時必問其所得互相攷訂孜孜斷斷無稍倦厭其誘掖末學與人爲善之誠大率類此嘗言天下方有乏才之歎幸無苟且小就自限其成至今每一思及猶耿耿於懷不能自釋

道光十一年辛卯公二十歲

是年讀書城南書院時善化賀蔗農先生熙齡以侍御家居

主講席

肥城唐氏鑑御史賀君墓志銘云君掌教城南辨義利正人心諭多士以立志窮經爲有體有用之學

尤偉重公授以漢宋儒先之書

寒香館文鈔左斐中像贊云左子季高少從余游觀其卓

然能自立即其學則確然有所得察其進退言論則循循然有規矩而不敢有所放軼也余已心異之正誼堂全書卷首公與楊雪滄書云稍長從賀侍御師游尋繹漢宋儒先遺書講求實行公子孝同先考事略云時山長善化賀侍御熙齡宿學名儒其教諸生誘以義理經世之學不專重制藝帖括於府君尤加器異後府君上賀公書有十年從學之語

蓋從游最久也與湘鄉羅羅山澤南丁秩臣敘忠為友以學行相砥

礪與楊雪滄書又云長與羅羅山丁秩臣為友亦時家益貧

困藉窺正學階梯不陷溺於詞章利祿之俗說書牘卷五辛酉與郭意城書云自十餘歲孤露食貧以來至今從未嘗向人說一窮字不值為此區區撓吾素節

景喬先生客游武昌詩集有辛卯夏仲兄客武昌送別後卻寄一首按詩有云嗟予少嗇祐孤露

唯君依三年客邵陵相見時亦稀貧居豈能久誰復惜分離華顏苟無凋白首終可期塵衣纔一洗忽復載行旗江湖阻

修遠我懷君豈知蛟龍勿君甚蝮蟻毋君危一家盡成喪君我先人遺念茲并百憂泣涕以漣洏晨之西肆卜默禱煩靈

著遂遇離之九卜士詳其詞積陰臨陽曦陰險陽則夷行者遇此兆上吉莫如之憂思積中腸欲信還復疑歸為阿嫂說

征途亮無羈阿喜踰踏來疆索紙背窺鬱鬱低自語對此增感歎湘水去悠悠大別山巍巍顏色不可觀況復音書希故

山有黃精野澗多蕨薇何當早歸來與君共糊糲公資書院膏火以佐食巡撫吳公

榮光設湘水校經堂課士公歲中七冠其曹公事略云府君早

歲文名藉甚巡撫南海吳公榮光設湘水校經堂課士以經學府君列第一者七次先祖沒後日食不給賴書院膏火之資以佐食

道光十二年壬辰公二十一歲

四月服闋納資爲監生應本省鄉試正考官禮科掌印給事

中涇陽徐公法績

文集卷三太常寺少卿徐公神道碑云公諱法績字定夫晚自號熙菴陝西涇陽人

道光十二年以禮科掌印給事中主湖南鄉試

副考官翰林院編修錢塘胡公鑑

按

南通志選舉表壬辰科考官禮科給事中涇陽徐法績編修錢塘胡鑑是科四書首題好仁不好學其蔽也愚好學其蔽也蕩次題中立而不倚三題故士窮不義達不離道詩題賦得學者心之白日故事試卷經

同考官閱薦然後取中同考官所斥爲遺卷考官不復取閱

具科

宣宗特命考官搜閱遺卷副考官胡公以病前卒徐公遂獨閱五千餘卷搜遺得六人公卷居首屬同考官補薦不應徐公以

新奉

諭旨曉之迺不敢有異議於時闈中自監試官以下皆疑為溫卷

比啟糊名為公監臨吳公榮光避席揖徐公賀得人迺皆翕

然文集卷二徐熙菴先生家書跋後云右熙菴師道光壬辰湖南闈中寄公子董園書是科宣宗特命考官搜閱

遺卷胡編修既以病前卒公獨閱五千餘卷搜遺得六人余忝居首書中所稱十八名者也當取中時公命同考官補薦

不應徐以新奉諭旨曉之旋調次場經文傳視各同考迺無異議禮經文尤為公所欣賞題為選士厲兵簡練策俊

專任有功書中所稱經文甚佳者也後並進覽當時闈中自向簾監視官以下頗疑是卷為溫卷比啟糊名監臨巡

撫南海吳公榮光賀得人在事諸公多有知吾姓名者羣疑益解又吳荷屋中丞衡嶽開雲圖跋後云昔先生撫湘余

才弱冠耳壬辰鄉試先生監臨闈中余卷為主試搜遺所得
同考頗疑爲溫卷比糊名啟先生避席揖徐帥賀得人羣論
翁然榜發景喬先生領解首公中式第十八名五經文進

覽

是年八月周夫人來歸公出闈就昏其家

文集卷三亡妻周夫人墓志銘云夫

人湘潭周氏名詒端字筠心年十九余兄中書君以贈光祿公還命聘爲余室蓋議昏有年矣道光十二年八月余以貧故贅於周與夫人齊年生至是皆廿一歲昏未逾月湖南省試名錄至余忝鄉舉按文集慈雲閣詩鈔序目云筠心夫人節性齋遺稿古體四首近體一百三十一首至是當會試北行貧不能治裝周

夫人出奩資百金治行會適朱氏姊家饑窘公悉舉遺之已

而親友復有贖者迺與景喬先生同啟行

公子孝同先考事略云時貧乏不能

與計偕先妣出奩餘百金助裝會長姑母朱孺人貧不能舉火府君即悉舉以贈未幾親黨有贖者得百金與仲父啟行

道光十三年癸巳公二十二歲

正月至京師

奏稿卷五十八擬調各營逐駐畿郊興修水利摺云畿輔地方年來旱潦頻仍臣前由井陘獲

鹿過正定定州保定人順天府屬房山良鄉各境道旁冰凌層積埧近高地則沙塵沒蔽人馬均以爲苦因憶道光十三年初次會試入都及同治七年勦捻經過各處儼若隔世按文集後埧刻聯語題漢口長沙會館一聯跋後云道光壬辰甲午丁酉三度赴春試皆於漢口郡館度臘證積所聞見以興修水利摺所言則公之至京在是年正月也

出闈成燕臺襍感七律八章

書牘卷二十四庚辰答陶少雲書云來書述癸巳燕臺舊句於

置省開屯時務已預及之五十年間志願到今尙行之不盡而當時相與商榷之友朋無一存者矣道光朝講經世之學者推默深與定菴實則龔博而不精不若魏之切實而有條理近料理新疆諸務益歎魏子所見之偉爲不可及改設郡縣龔議多不可行蓋未親歷其境不習知山川條列故所擬建置大略多舛錯惟如今制邊腹不分治兵之官多治民之官少求其長治久安必不可得定菴之議固不磨矣按襍感詩今存集中其第三首云橐駝萬里輪官稻沙磧千秋此

石田置省尚煩它日策興屯甯費度支錢蓋郎書中所言者又詩中皆憂危之詞若預知天下將亂如第四首云

俗同頭會消息西戎是尾閭試思表餌終何報罷先考事略意五嶺關防未要疏時已深憂有夷禍也

云癸巳會試備中同考南旋上舉主徐熙菴先生書言歸將官爲吏科給事中吳公

求時務所急書牘卷一 是年上徐熙菴先生書云比者春榜

漕河諸務將求其書與其掌故講明而切究之求副國家

養士之意與吾夫子期許之殷十餘年外或者稍有所得乎

按文集徐熙菴先生家書跋後云越三十七年余視師秦隴公孫韋佩襄治軍書爲言榜前一日公曾有書寄家今存

篋中亟取視之余與仲兄癸巳春閣上公啟事亦附存焉攷公所爲徐公墓碑蓋是時徐公已奉命行河故公於出都

時寄書言志也 先是祖遺田歲得租穀四十餘石春航先生歿家益不給景喬先生終歲旅食公自京師歸迺舉遺產悉畀伯敏先生嗣子世延而身寄居妻家湘潭周氏

公事略云先祖歿

之二身之全言之一

三

後遺田數十畝歲收租穀祇四十八石家用日不給府君乃以遺產悉畀世父嗣子世延

手鈔陸氏讀

朱隨筆一冊

正誼堂全書卷首公與楊雪滄書云憶自道光十三年於吾友周鐵樵裕梓案上見正誼堂所

刊儒先遺書十數種中有清獻陸先生讀朱隨筆一冊嘗手鈔以視賀侍御師及耦耕尚書尚書以為絕學孤本屬別尋

全刻則杳不可得

是年八月長女孝瑜生

文集卷一慈雲閣詩鈔序目云左孝瑜字慎娟

適安化陶氏著小石屋詩近體十四首

道光十四年甲午公二十三歲

是年僦周氏西院以居

文集亡妻周夫人墓志銘云踰年長女生余居婦家恥不能自食乞外姑

西頭屋別爨以居又張叔容墓碣云父聲玠字王夫先余一年舉於鄉同試禮部同放歸相得甚歡王夫之配茹馨夫

人余妻弟也余與王夫時皆貧甚同居周氏桂在堂西兩宅中隔一院兩人旅食於外每臘歸輒設茗酒相溫出篋中文

共評之或道時務所宜為者諧謔間作酣嬉跌宕與甚豪漸顧玉夫所生三兒參差繞坐矣

冬十二月

次女孝琪生

文集慈雲閣詩鈔序目云左子琪字靜齋以疾未適人著猗蘭室詩草古近體共七十九首

道光十五年乙未公二十四歲

是年會試取中將揭曉以湖南額溢易中他省卷而挑取公

騰錄同考官上元溫公葆深爭之不得

公于孝同先考事略云戶部侍郎上元溫

公葆深以翰林院侍講爲同考官得府君卷極力呈薦總裁亦亟賞之評爲立言有體已取中第十五名臨揭曉以湖南溢中一名因撤府君卷易中湖北一人府君僅取騰錄按詩集二十九歲自題小像詩云聊欲絃歌甘小僻自注史館騰錄積勞得敘例與一令則當時以史館注籍也

南歸遇漢水盛漲自樊城買舟還

長沙

書續卷九丁卯與曾沅浦中丞書云得手書具譜漢水泛濫獅口潰裂失故道者三百餘里弟於道光十五年

過此時卽遇此災船從搖頭溝過蒿插屋脊自樊城抵長沙祇行十三日耳

道光十六年丙申公二十五歲

是年居周氏西樓肇事方輿家言

書廣卷一 是年上賀蔗農先生書云宗棠見假館隱

山鍵居西樓肇事方輿家言

按周氏居湘潭

辰山在隱山之麓言假館隱山蓋舉地望言之謂古今談地

理者索象於圖索理於書兩言盡之矣然而陵谷之變遷河渠之決塞支原之遠近疆索之沿革代不侔也又土宇有分合則城治有興廢於是疆域襍錯攻守勢殊故有古爲重險今爲散地彼爲邊處此爲腹地者如此則圖不能盡紀也廣輪之度山川所著也山川脈絡準望所生也於是方邪迂直高下均於是乎憑之然而一言東則東南東也東北東也果何據以爲此郡此縣之東乎旣辨其爲東南矣又或以東兼南以南兼東或東南各半始以豪釐終以千里果何據而得

其東南之數乎既得其東南之數矣或自某省量至某府某
府量至某縣又自所界之府州縣治村之或饒或減歧出不
定果何從而折衷至是乎如此則書亦不能盡告也亦不能
盡信也迺以爲欲知往古形似當先據目前可據之圖籍先
成一圖然後辨今之某地卽先朝之某地又溯而上之以至
經史言地之始亦猶厯家推步之法必先取近年節令氣候
逆而數之迺爲有據故千歲日至可坐而定也欲知方位之
實當先知道里之數欲知道里之數當先審水道經由之鄉
凡夫行旅輿程之記村驛關口之名山岡起伏之迹參伍錯
綜以審之直曲圍徑以準之以志繩史以史印志其失實也

寡矣古書流傳絕少諸書引注除王胡數家外類多牽鑿而外間所行諸圖位置乖舛率先畫疆域大界稍依各書填載方向展轉增竄不求其安譬猶鑿趾以適其履誠不知其不可也於是擬先作皇輿一圖計程畫方方以百里別之以色色以五物縱橫九尺俟其成分圖各省又析爲府各爲之說再由明而元而宋上至禹貢九州以此圖爲之本以諸史爲之證據書蹟是年上賀蔗農先生書每作一圖易稿則授周夫人影繪之歷歲迺成公子孝同先考事略云周氏有新樓公止其上詳閱方輿書手畫其圖易稿則先妣爲影繪之歷歲迺成按文集亡妻周夫人墓志銘云常時斂衽危坐讀書史香鑪茗椀意度怡然每與談史遇有未審夫人隨取架上某尚某卷視余十得八九蓋亦此時情事嘗自爲聯語云身無半畝心憂天下讀

破萬卷神交古人

按此聯均刻文集後自跋云卅年前作此語以自夸祇今猶往來胸中試為兒輩誦

之不免慙毅之意然志趣不妨高也安得以德薄能魁謂子弟不可學老夫之狂哉按前後所編各聯均題同治五年自

閩迆節西征書付此聯必一時所書

云卅年前作此語故以編於是年

孝同先考事略云世父早卒配盛孺人苦節二子俱殤仲父

年三十四尚無子先妣體弱多病自生妣來歸佐內政謹篤

自將米鹽滌紉之事舉身任之不以勞先妣生不孝寬勛同

三人女孝琳一人後以孝寬敘官累封夫人適孫念謙幼

孤失母撫之成立光緒庚寅襲

侯爵 覃恩贈贈一品夫人

道光十七年丁酉公二十六歲

是年主講醴陵淶江書院

文集吳荷屋中丞衡嶽開雲圖跋後云自憶年少狂慵不喜奔競干

謁惟先生召主淶江書院時曾一望顏色而已

依朱子小學為學規八則人給日記

一冊每日入下門鑰呈閱日閒所著錄月朔望會講引掖督

勉其有不率則朴責而斥逐之數月人知嚮學

書續卷一是一年上賀蔗農

先生書云宗棠初來凡諸生進謁各給日記一本令其工課隨時注載日入頭門下鑰即查閱功課如曠廢不專事及虛詞掩著兩次將本課膏火除去加與潛心攻苦之人念先儒云制外所以養中養中始能制外因於小學撮取八則訂為學規以詔學者月朔望會訂功課日記為之引掖而督勉之其有不率則朴責而斥逐之邇來俱知勉彊學問不謂苦也

時安化陶文毅公澍督兩江閱兵江西乞省墓道出醴陵知

縣治館舍勾公為楹聯文毅見奇之既詢為公作迺屬知縣

延見傾談竟夕與訂交而別

公子孝同先考事略云安化陶文毅公總督兩江時以巡閱江

西乞假省墓道出醴陵縣令倩府君為館舍楹聯云春殿語從容甘藪家山即心石在大江流日夜八州子弟翹首公歸文毅激賞之詢為府君作因屬縣令延致一見目為奇才縱論古今為畱一宿

冬會試北上

是年五月適朱氏姊沒

慎齋文鈔適朱氏先姊墓志銘云姊卒於道光十七年五月二十九日按公

女兄三人朱氏姊外一適周氏一適張氏均未詳出嫁年分
按慎齋詩鈔題碧芙蓉館遺草詩序云異時宗植兩女弟皆
能詩皆不幸早卒朱氏先姊墓志云先考見背後適張氏妹
外適周氏妹又外今姊外又三年於茲則皆沒於朱氏姊之
前也 八月第三女孝琳生 文集慈雲閣詩鈔序目云左孝琳
字湘娥適湘潭黎氏著瓊華閣詩
也 草近體 九月第四女孝瓊生 文集慈雲閣詩鈔序目云左孝
瓊字少華適湘潭周氏著淡如
五首 齋遺詩近 體十三首

道光十八年戊戌公二十七歲

春正自漢口北行

水窗春曉云左恪靖小子五歲其中鄉榜
卻先子四科戊戌計偕北上遇於漢口即

結伴同行自誦其題洞庭君祠聯云迢迢旅路三千我原過
客管領重湖八百君亦書生意態雄傑即此可見 按水窗
春曉不著撰人姓名詳其首尾蓋出於湘潭歐陽曉岑兆熊
公三次會試皆在漢口度歲此云戊戌遇於漢口即結伴同
行故知在 春正也 道經正定欒城聞知縣桂君有善政心識之
奏稿 卷七

故員政績卓著請敕史館立傳摺云憶昔道光十七年臣宗棠曾試北上道出欒城偶遊城市見知縣桂所張示諭勸民耕種并示以種植木棉藷芋之宜及備荒之策甚爲詳備比詢之居民皆言令之愛民出於至誠其潔清自矢爲從前清官所不及心竊異之比至都下爲知好誦之時今雲貴總督前編修勞崇光前御史黎吉雲爲言桂令超萬故儒吏也始知其名書牘卷六癸亥與徐樹人中丞書云桂丹翁之亡令人神傷不已憶昔會試北行道出欒城時聆其政聲洋溢已心儀而敬慕之又文集祭桂丹盟文云我昔在燕道出眞定公宰欒城輿言是聽按公旣在漢口度歲則經欒城必在是年摺中稱道光十七年蓋舉自家赴試言之同治癸亥公督閩浙桂公以道員署按察使年八十餘以剛廉爲公所重公爲請史館立傳

至京主鐵門周華甫振之家按公家故接及是年之事也

胡文忠公與公書云書中以農人勝於鄂撫此事頗難言總之林翼知公在鐵門之時是公一生眞知己公知林翼否耶祇此一節已勝於農人又按書牘卷二十二己卯與鄭小珊書云別四十載不得一見回憶金臺聚首故交如懋喬華甫霖生潤之與先生及不肖數人跌宕風流未

堪覆按由己卯上溯戊戌相距正四十年也

會試榜發復見